

Universitätsbibliothek Paderborn

Ioannis S. R. E. Cardinalis Bona Opera Omnia

Tribus Tomis comprehensa

Opuscula Spiritalia - I. Horologium Asceticum. II. Principia Vitae
Christianae. III. Manuductio ad Coelum. IV. Via Compendii ad Deum. V. De
Sacrificio Missae. VI. De Discretione Spirituum ... Operum Eminentiss.
Cardinalis, Tom. I

Bona, Giovanni

Parisiis, 1677

§. 5. Oratio post confessionem

urn:nbn:de:hbz:466:1-9969

nunc, Domine, qui dedisti mihi cognoscere flagitia mea, perfice contritionem meam, & perduc ad finem satisfactionem meam. Ure me igne amoris tui, & separa à me quicquid displicet majestati tuae. Purifica omne quod tibi placet in me, ut in te vivam non in me, & in te moriar ac propter te, salvator meus, Qui vivis & regnas in saecula saeculorum. Amen.

§. V. *Oratio post Confessionem.*

Gratias ago tibi Domine Pater & dux vitae meæ, quia non secundum peccata mea fecisti mihi, sed superexaltasti misericordiam judicio, & projecisti in profundum maris omnia delicta mea. Arque utinam possent tantam in me contritionem excitare, quantam habuerunt pro peccatis suis sanctus Propheta David vir secundum cor tuum, S. Petrus Princeps Apostolorum, ac reliqui pœnitentes: quam libenter totus in lacrymas diffuerem, donec lavarentur iniquitates meæ, & ostenderes mihi placatum vultum tuum! Sed facta est anima mea sicut terra sine aqua tibi, & aruit sicut testa virtus mea: cumque omni virtute destitutus sim, hoc solum habeo residui, ut oculos meos extollam ad Redemptorem meum, ejusque lacrymas offeram tibi, quas ille pro me uberrime effudit, ut iis placatus aperias mihi januas misericordiæ tuae, & suscipias me servum fugitivum venientem ad te, & ab inimicis fugientem. Respice in me & miserere mei, Domine patiens & misericors, loquere ad petram cordis mei, & percute virga virtutis tuae, ut fluant aquæ compunctionis, aquæ salutares, quibus sanabitur, & dealbitur anima mea. Confirmia hoc quod operatus es in me, tibique grata & accepta sit confessio mea, atque omnem ejus defectum suppleat pietas & misericordia tua. Misericordiam tuam imploro, & veniam postulo cum inviolabili proposito deinceps non peccandi, & studio virtutum sedulò incumbendi, te mihi vires subministrante, qui non deseris sperantes in te. Ne patiaris me diutius va-

O o iiiij

gari post vanitatem vitæ hujus, transiunt enim dies & dies, anni & anni, & ecce nihil proficio. Convertere ergo & deprecabilis esto super me indignissimum servum tuum, & noli sic attendere malum meum, ut obliviscaris bonum tuum: nam si ego commisi unde me damnare potes, tu non amisisti unde me salves, & recipias in gratiam tuam, Deus meus adjutor meus, Qui vivis & regnas in sæcula sæculorum. Amen.

§. VI. Directio Intentionis ante Missam.

DEUS cæli & terræ infinitè amabilis, & omnium bonorum fons indeficiens, ego N. omnium ^{creati} notarum miserrimus peccator, & Ecclesiæ tuæ minister indignissimus, ante thronum gloriae tuæ humi pro voluntus, quam maximo possum anioris, reverentiæ, & devotionis affectu, volo & intendo hodie sacrosanctum Missæ sacrificium altissimæ Majestati tuæ, cui soli debetur, juxta ritum S. Romanæ Ecclesiæ offerre, & ex nunc offero, una cum omnibus sacrificiis tibi placitis quotquot à principio mundi oblata sunt, & usque ad finem offerentur: simulque pretium sanguinis & cunctos labores ac cruciatus Redemptoris nostri; omnia merita sanctissimæ & immaculatæ Genitricis ejus; omnium Sanctorum virtutes, totiusque militantis Ecclesiæ laudes & preces. In unione illius admirabilis sacrificii quod idem Unigenitus tuus in ultima cœna instituit, & in cruce consummavit factus sacerdos suæ victimæ, & victimæ sui sacerdotii: affectu ac nomine ejusdem, totiusque Ecclesiæ suæ sanctæ, & omnium mecum quacunque modo offerentium: ex puro tui amore ac desiderio tui beneplaciti semper & in omnibus perficiendi. Ad tuam maximam laudem, & cultum, & gloriam: in protestationem supremæ tuæ excellentiæ, dominii tui in omnes creaturas, & nostræ subjectionis & dependentiæ à te: in cultum latriæ tibi soli debitum, simul cum adorationibus tibi gratissimis ejusdem Christi filii tui, B. Virginis, omniumque Angelorum & Sanctorum. In me-